

Վարդանյան

ՀԱՅ-ՎՐԱՑԱԿԱՆ ՀԱՐԱԲԵՐՈՒԹՅՈՒՆՆԵՐԸ VII ԴԱՐԻ
ՆԱԽՕՐՅԱԿԻՆ

Հայ և վրաց ժողովուրդների բազմադարյա պատմության մեջ առանձնահատուկ տեղ է գրավում VII դարը, հատկապես դարասկիզբը: Բյուզանդական կայսրությունը, որ պատմության ժառանգի վրա ծանրակշիռ դիրք ձեռք բերեց և վիթխարի հզորության հասավ 5—7-րդ դարերում, իր նվաճողական արշավանքների ճանապարհին դեմ էր առել իրեն արժանի մի ախույան՝ իրանական լայնածավալ տերիտորիայի վրա իշխող Սասանյանների հզոր միապետությանը՝ իր ոչ պակաս նվաճողական ձգտումներով: Դարեր շարունակ նրանք մաքառում էին միմյանց դեմ և կատաղի մրցության մեջ էին մտել թե իրենցից որին կհաջողվի կույ տալ մյուսին: Այդ անվերջանալի պատերազմների առյուծոտ թատերաբեմը մեծ մասամբ Հայաստանը, Վրաստանն ու Աղվանքն էին: Այդ ժողովուրդների ներքին կյանքին վնասում էին ոչ միայն ավերիչ պատերազմները, այլև նրանց հողի վրայով անցնող թշնամական բանակները, որոնք իրենց ետևից թողնում էին ավեր, ավար, կողոպուտ: Օտար նվաճողների կողմից գործադրված շարունակական բռնությունների ու հալածանքի պատճառով այդ ժողովուրդների տնտեսական ու կուլտուրական կյանքը տեղաշարժվեց և տեղից լքվեց: Մասնավորապես Վրաստանում և Աղվանքում տիրապետությունների ծանր ու դաժան լծի տակ, Հայաստանն ու մյուս փոքր ժողովուրդները ամբողջ միջնադարում խաղաղ և բնական զարգացման քիչ թե շատ տեղական ընթացք համարյա չունեցան: Օտարների անտանելի լուծն ու բռնությունները, սևփական տիրողների անօրինակ ճնշումներն ամբողջությամբ ծանրացած էին աշխատավոր ժողովրդի ուսերին: Ուստի բնական և հասկանալի են զանազան կրոնական և աղանդավորական բողի տակ ծածկված ժողովրդական այն հուզումներն ու ապստամբական շարժումները, որոնցով լեցուն է այդ ժողովուրդների ամբողջ միջնադարի պատմությունը:

Նվաճված ժողովուրդները հաճությամբ չէին տանում նաև օտարի լուծը և ինչպես հայոց, նույնպես և վրաց ու աղվանից այդ շրջանի պատմությունը լի է պարսկա-բյուզանդական ասիմիլյատորության դեմ ուղղված ժողովրդական ըմբոստության բազմաթիվ փաստերով: Պետք է նշել, որ այդ ապստամբությունների ժամանակ այս երեք ժողովուրդները հանդես էին գալիս միասնաբար, որը բխում էր հայ, վրացի և աղվան ժողովուրդների գոյության պահպանման օբյեկտիվ պահանջներից, նրանց տնտեսական, քաղաքական և կուլտուրական պրոգրեսի բնական շահերից: Այս եղբայրական միության ամուր հիմքը, սակայն, խախտվում է 7-րդ դարի նախօրյակին: Դրա պատճառների բացատրությունն է ահա մեր ներկա հոդվածի օբյեկտն ու նպատակակետը:

* * *

Հայաստանի և հարևան մյուս ժողովուրդների քաղաքական ու տնտեսական կյանքը 5-րդ դարից սկսած խորը ճգնաժամ էր ապրում: Վիճակը ավելի է վատթարանում հատկապես 6-րդ դարի առաջին կեսին: Հուստինիանոս կայսրի (525—567) կողմից ծրագրված ռեֆորմներով ախտախմբված էր նվաճված և հպատակ երկրներում մտցնել այնպիսի վարչակարգ, որը ոչ մի բանով չտարբերվի ամբողջ կայսրության մեջ հաստատված կարգերից:

Ինչպես ակադեմիկ Հ. Մանանդյանն է ցույց տվել, կայսրի նպատակն էր վերականգնել ռոմեական զորեղ և միաձույլ կայսրությունը, վերացնելով տեղական բոլոր առանձնահատկությունները, այդ թվում և կրոնական ինքնուրույնությունը: Նրա ձգտումն էր մի համընդհանուր ավատի, մի կամքի մեջ միաձուլել այլալեզու և այլադավան բոլոր հարևան ժողովուրդներին:

Այդ մասին մանրամասն տե՛ս Ն. Աղոնցի «Армения в эпоху Юстиниана» աշխատության մեջ (СПБ, 1908), նաև Հ. Մանանդյանի Քրեական տեսություն հայ ժողովրդի պատմության, հ. 2-րդ՝ Բ մասի նյութեր:

Այս հողի վրա բորբոքվում են դավաճաբանական սուր վեճեր հայոց և հունական եկեղեցիների միջև, որը իր ոլորտի մեջ է առնում նաև անդրկովկասյան մյուս ժողովուրդներին: Իրենց նպատակին հասնելու համար բյուզանդական խորամանկ քաղաքագետները ամեն կերպ աշխատում էին զանազան տարակարծություններ սերմանել, բորբոքել դավաճաբանական վեճեր: Տեսնելով հայոց եկեղեցու ցուցարեքած եռանդն ու դիմադիր ուժն ոգին, նրանք ջանացին քայքայում մտցնել այդ եկեղեցու վարդապետության մեջ: Ավելին. նրանք ձգտում էին նույնպիսի քայքայում ու տարրալուծում առաջացնել նաև հայոց և հարևան մյուս ժողովուրդների կրոնական միասնական դավանանքի մեջ:

V—VI-րդ դարերում Հայաստանը լցված էր զանազան հերձվածողներով և աղանդներով. նեստորականություն, Մծղենություն, Մանիքեություն, Թեոգորետի ուսմունք և այլն: Մյուս կողմից պարսիկներն էլ իրենց հեթանոսական կրոնով, տիրելու նախկին Մտադրությանը, միջամտում էին քրիստոնեական եկեղեցու մղած վեճերին և ինքնակամ ու ապօրինի վճիռներ կայացնում:

Այդ ժամանակ էլ, որ մեծ թվով եկեղեցականներ, ինչպես հայ, այնպես էլ վրացի, ընդունում են քաղկեդոնությունը, և կազմալուծվել է սկսում միաբնակ վարդապետությունը: Հայ եկեղեցականության մի մասը շուտ է գալիս դեպի բյուզանդականություն, Դրանից քիչ անց՝ Մոսկովի ժամանակ, տեղի է ունենում հայոց եկեղեցու երկու մասի բաժանվելը (հակաթոռ կաթողիկոսության ստեղծմամբ), ապա՝ 7-րդ դարի սկզբին, վրաց եկեղեցու հայկականից անջատվելը: Այսպիսով, կրոնական այն ուղի պայքարը, որ դավանանքի անվան տակ մղվում էր ամբողջ քրիստոնյա աշխարհում, իր հիմքում ունեռ խիստ քաղաքական-սոցիալական բովանդակություն. իսկ հետո՝ Բյուզանդական կայսրության ճարպիկ դիվանագիտության մեքենայությունները:

Առավելապես ծանր ու վատթար էր անդրկովկասյան ժողովուրդների դրությունը Հուստինիանոսից հետո գահ բարձրացած Մորիկ կայսրի ժամանակ (582—602): Իր վարած արտաքին քաղաքականության մեջ այս բռնակալը Հուստինիանոսի հարազատ ժառանգն էր: Սրա օրով է տեղի ունենում Հայաստանի երկրորդ բաժանումը: 591 թվականին հաշտություն է կնքվում Մորիկի և հոսրովի Փարվեզի միջև, որի համաձայն Հայաստանի մեծ մասը բաժին է դառնում Բյուզանդիային: Նույն բախտը վիճակվում է նաև Վրաստանին: Հայաստանում ստեղծվում է երկու հակաթոռ կաթողիկոսություն՝ մեկը Դվինում, որտեղ կաթողիկոս էր մելի հակաքաղկեդոնական Մովսես Նվարդեցին, մյուսը՝ Ավան գյուղաբաղաբում, որտեղ կաթողիկոս էր գառնում բյուզանդացիների կողմից քաղկեդոնություն ընդունած Հովհաննես Բագրևանդացին: Դվինի աթոռը վճռական սպան մերժեց կայսեր պահանջը օրթոդոքսության (ուղղափառության) վերաբերյալ, որի համար էլ սա նշանակեց հակաթոռ րստ իր ցանկության և նրա իրավասությանը ենթարկեց ամբողջ Արևմտահայաստանը: Դա նշանակում էր իր լայն ու ազատ ասպարեզ էրաց անում բյուզանդական քաղկեդոնիկ քարոզիչների համար՝ իրենց վարդապետությունը այնտեղ տարածելու: Այսպիսով, մարմին էր առնում հայերի հոգեպես հույների հետ միացնելու Մորիկի հղացած ծրագիրը, այլապես նրան շատ չէր հետաքրքրի այն հարցը, թե հայերը քանի ընդունում էին տեսնում Քրիստոսի մեջ:

Խոսքով նույնիսկ կողմից Արևելյան Հայաստանի և նրա հարևանների նկատմամբ գործադրած քաղաքականությունը բյուզանդականի մի տարատեսակն էր. տարբերությունը միայն արտաքին էր: Կրոնի հարցում Խոսրովը հանդես էր բերում որոշ հանդուրժողականությամբ, որպեսզի այդպիսով շահի իր հպատակ քրիստոնյա և այլադավան ժողովուրդների վստահությունը, ամրապնդի իր դիրքերը նվաճված երկրներում: Ընդդեմ բյուզանդական ծավալվող ազդեցության: Պարսից արքան մյուս կողմից ցանկանում էր օգտվել հայոց և հունաց եկեղեցիների միջև սկսված տարաձայնություններից և օգտագործել դրանք ըստ հանգամանքների բերման: Խոսրովի վարած այս խորամանկ քաղաքականությունը ժամանակին մեծ ազդեցություն թողեց պարզամիտ ժողովուրդների երևակայության վրա: VII դարի հայ պատմիչ Սևրեսոսը հավատացած է նույնիսկ, թե Խոսրովը այնքան արդարամիտ, իմաստուն և բարեկաշտ էր, որ կյանքի վերջում քրիստոնյա մկրտվեց: Հինց այդ ժամանակ Վրաստանում, Սյունիքում, մասամբ նաև Աղվանքում գլուխ են բարձրացնում նեստորական, մանիքեական և այլ կարգի հերձվածողներ. իր համար զարգացման ուղիներ է որոնում քաղկեդոնական վարդապետությունը: Այդ մասին են վկայում հայ հոգևորականների և Հովհաննես կաթողիկոսի թղթերը՝ ուղղված Սյունաց Վրթանես եպիսկոպոսին և աղանդների եպիսկոպոսներին²:

Հայոց կաթողիկոսն ու եպիսկոպոսները ղեկավարություն են հայտնում, որ Սյունաց և Աղվանից կողմերում տարածվող աղանդների դեմ ոչ մի միջոց ձեռք չի տոնվում և դրանց ազդե-

² «Գիրք թղթոց», Թիֆլիս, 1901, էջ 78—84:

ցության շրջանները ծավալվում են: Հիշյալ թղթերում Վրաստանի մասին ոչ մի խոսք չկա. նշանակում է, որ վրաց եկեղեցու՝ հայկականից հեռանալու և քաղկեդոնությունը հարևու մասին դեռևս կասկած կամ վախ չի նկատվել: Ուշագրավ է նաև այն փաստը, որ քաղկեդոնականներն իրենց քայքայիչ գործունեությունը ծավալում էին երկրի այնպիսի շրջաններում, որտեղ ավելի ուժեղ էին կենտրոնախույս ձգտումներն ու տրամադրությունները: Այդ է պատճառը, որ Հովհաննես կաթողիկոսը խիստ հրովարտակամ պահանջում էր ամենուրեք մերժել քաղկեդոնությունը և ոչ մի հարաբերություն չունենալ քաղկեդոնիկների հետ: Բայց կարծես ճակատագրի ծաղրն էր, որ հենց ինքը հետագայում դառնար քաղկեդոնական:

Այստեղ մի կետ կա, որը անտրոնն առնչվում է հայերի կողմից 572 թ. պարսկական տիրապետության դեմ բարձրացած ապստամբությանը: Երբ անհամաձայնության հետևանքով ապստամբությունը տանու է տրվում, Վարդանը և կաթողիկոսը իրենց կողմնակիցներով հեռանում են Հայաստանից, գնում Կ. Պոլիս և ապավինում կայսեր հովանավորությունը: Հուստինիանոսը սխիզմով է հյուրընկալում նրանց և ընդունել տալիս քաղկեդոնությունը: Լեոն գտնում է, որ ապստամբության միությունը քանդվեց, որովհետև նրա ղեկավարների մի մասը շրջադառնեց կայսեր սյդ առաջարկը: Մանր էր հատկապես կաթողիկոսի դրությունը: Մինչ այդ նրան տեսանք իբրև՝ հակաքաղկեդոնիկների համոզված պարագլուխ, որ ամեն կերպ ջանում էր աղվանից և սյունաց եկեղեցիները հեռու պահել միաբնակ վարդապետությունից: սակայն այս առգամ ինքն էր դավանափոխ լինում:

Խոսելով այս մասին Լեոն նկատում է, որ նա ժիր կրոնական համոզմունքները զոհ է քերում հայրենիքի փրկության գաղափարին և հաղորդվում քաղկեդոնիկների հետ: Սա էլ մի կուլան է դավանաբանական այդ վեճերի ու երկպառակությունների արմատը՝ սոցիալ-քաղաքական հանգամանքներով բացատրելու համար:

Այնուհետև մինչև Մորիկի մահը (602) Հայաստանն ու իր հարևանները ապրում են խաղաղ շինարարական մի տասնամյակ, որը վերջանում է Մորիկի մահվամբ: Դրանից քիչ անց նորից վերսկսվում են պարսկա-բյուզանդական պատերազմները, և այս անգամ հաջողության տուղը թեքվում է արդեն պարսիկների կողմը:

Այսպիսին էր ահա պատմական իրավիճակն այն ժամանակաշրջանում, երբ առաջ է գալիս Հայ-վրացական եկեղեցական հարցը՝ անջատումը, որը հսկայական բացասական ազդեցություն ունեցավ երկու բխտակից ժողովուրդների ճակատագրի վրա:

Հարցի ավելի բազմակողմանի քննության և ավելի հիմնավոր եզրակացության հանգելու համար փոքր ինչ ետ գնանք, մինչև քրիստոնեությունից մուտքը Հայաստան և Վրաստան և տեսնենք, թե ինչպիսի պարագաներում տեղի ունեցավ այդ ժողովուրդների դարձը և թե ինչպիսի հարաբերության մեջ էին գտնվում նրանք միմյանց հետ մինչև կրոնական պառակտումը:

Պատմական քուրդ աղբյուրները, հին թեև նոր, միաբերալ վկայում են, որ Հայաստանը և Վրաստանը միաժամանակ ընդունեցին քրիստոնեությունը: Դրանց մի մասը հակված են պնդելու, թե դեռևս Գրիգոր Լուսավորչից առաջ Հայաստանում քարոզիչ եղավ սրբուհի Հռիփսիմեն, իսկ Վրաստանում՝ Նունեն: Ն. Ակիևյանը վրացիների դարձը Նունեի կողմից կատարվելը, հավանական չհամարելով, այն դիտում է իրեն առասպել և վրացիների դարձը կապում Գրիգոր Լուսավորչի անվան հետ:

Ակիևյանը գտնում է, որ հայերն ու վրացիները քրիստոնեությունն ընդունեցին IV դարում. Դր. Լուսավորչի ձեռքով: Մառն այն կարծիքին է, թե արիստոկրատների, ազանների ու աղվանների լուսավորությունն էլ նույն մարդու ձեռքով կատարվեց:

Սա շատ կարևոր հանգամանք է, որովհետև եթե երկու ժողովուրդների դարձն էլ նույն ժամանակ և նույն մարդու ձեռքով կատարվեց, ապա լինական է, որ երկուսի մոտ էլ նա նույն վարդապետությունը քարոզեց: Այդ ժամանակից սկսած մինչև VI դարի վերջին տասնամյակները դավանանքի հարցում որևէ խտրություն կամ անհամաձայնություն հայերի և վրացիների միջև չի նկատվել: Հայ, վրաց, օտարազգի քուրդ գրավոր հիշատակարանները միաձայն վկայում են, որ սկզբից և ետ, այսինքն IV դարից, երբ քրիստոնեությունն իբրև պետական կրոն հաստատվեց թե՛ Հայաստանում և թե՛ Վրաստանում, միաբանություն էր վրաց և հայոց ընդ

3 Լեոն, Հայոց պատմություն, հ. 2-րդ, էջ 210:

4 Տե՛ս Ն. Ակիևյան, Քրիստոնեությունից մուտքը Հայաստան և Վրաստան, Վիեննա, 1949:

5 Н. Марр, Крещение Армян, Грузин, Абхазов и Алапоя святым Григорием, СПб., 1905.

միմեանս...—և ինչպես Կյուրիոն կաթուղիկոսն է գրում իր թղթերից մեկում,—... եւ այլ ինչ բանք և խաւար չէին ուրուք Լղեալ ի ներքս. իսկ այժմ ուստի՝ եղենք՝:

Սակայն VI դարի վերջին և VII-ի սկզբին, վերը նշված հանգամանքների ազդեցությամբ, խիստ ընդհարում է տեղի ունենում հայ և վրաց եկեղեցիների միջև և քիչ անց (հավանաբար 608—609 թթ.) նրանք անջատվում են: Քննարկվող հարցի համար նշանակություն են ներկայացնում առաջին հերթին հնագույն աղբյուրները. դրանք են «Գիրք թղթոցը», Սեբեոսի և Կաղանկատացու պատմությունները, ապա X դ. հայ պատմիչ Ուխտանեսի պատմությունը: Ուրեմն հայկական աղբյուրները, բանի ու դրանք ավելի հին են, պատմվող դեպքերին դրված ժամանակակից, մանրապատում և ավելի ճշմարտամոտ: Սրանցից բացի կարևոր են նաև օտարագրի՝ հատկապես հույն, արաբ և ասորի հեղինակների վկայությունները. ապա բուն վրաց աղբյուրները, որոնցից հիշատակության արժանի են 10-րդ դարի վրաց կաթուղիկոս Արսենի թուղթը և վրաց Տարեգիրքը, որի մասին Ակինյանը նկատել է, որ լի է անախրոնիզմներով ու անճշտություններով:

Վրացի նշանավոր գիտնական Իվ. Ջավախիշվիլին նույնպես իր «История церковного разрыва между Грузией и Арменией в начале 7-го века» աշխատության մեջ հավաստի է համարում միայն հայկական աղբյուրները: Ուսումնասիրության համար նրան նյութ են մատակարարում Ուխտանեսի, «Գիրք թղթոցը» և վրաց կաթուղիկոս Արսենի գրությունը՝

Նշված աղբյուրները բոլորն էլ կրոնական տեսանկյունով են մոտենում հարցի գնահատմանը: Դա հասկանալի է VII—X դդ. ապրող և զուտ կրոնական-աստվածաբանական դոգմաներով առաջնորդվող հեղեղեղականի համար: Բայց պետք է ասել, որ այդ մասին հետագայում առաջացած հսկայական բնական գրականության և ուսումնասիրությունների ճնշող մեծամասնությունը նույնպես զուտ կրոնական խնդիրների շուրջն է պատմվում և հարցերը ժամանակաշրջանի պատմա-քաղաքական իրադարձությունների անմիջական արդյունք չի դիտում:

Հայ-վրացական եկեղեցական հարաբերությունների մասին արժեքավոր աշխատություն է գրել Ն. Ակինյանը՝ Դա մի ամբողջական ուսումնասիրություն է այդ ժողովուրդների կրոնական պառակտման վերաբերյալ՝ բոլոր մանրամասներով. ուստի ավելորդ ենք համարում այստեղ նորից անդրադառնալ այդ մանրամասնություններին: Մեզ այստեղ հետաքրքրում է զլխավորապես սր հարցը, թե պատմական-քաղաքական ի՞նչ պայմաններում տեղի ունեցավ բաժանումը, ի՞նչ պատճառներով, որոշել այդ պատճառների բնույթը և, ամենակարևորը, պարզել, թե քաղաքական ի՞նչ հետևանքներ է մեծացավ այն:

Ակինյանը վերոհիշյալ գրքի 26-րդ էջում այն միտքն է հայտնում, թե «... իրք քաղաքական անձանց միջամտությամբ մասամբ իվիք նաև քաղաքական գույն զգեցած են»: Այսպես հրելով պետք է կարծել, ուրեմն, որ պայքարի հիմնական նպատակն ու դրդիչ ուժը կրոնական-դավանական էր, բայց որովհետև հարցին միջամտում էին նաև քաղաքական անձինք, ուստի միայն դրա համար և միայն այդ շահով այն քաղաքական երանգ էր ստացել: Մինչդեռ դավանանքի հարցն այստեղ լուրջ պատրվակ էր քողածածկելու համար քաղաքական այն նկատառումները, որոնք գալիս էին ավելի հեռվից՝ Բյուզանդական կայսրությունից: Այդ պայքարը հայոց և հունաց եկեղեցիների միջև երկար ժամանակ գոյություն ունեցող այն պայքարի շարունակությունն էր, որ մղվում էր քաղաքական ազդեցության ոլորտների ընդլայնման նպատակով՝ մի կողմից և այդ ազդեցությունից դուրս մնալու, իր երկրի ու ժողովրդի իրավունքներն ու ինքնուրույնությունը պաշտպանելու արդարացի պահանջով՝ մյուս կողմից: Հայ-վրացական եկեղեցական հարաբերություններն այն ժամանակ հանդես էին գալիս որպես այդ համընդհանուր ձգտման մի մասնավոր դեպք, որը ուղղություն և ընթացք էր ստանում մի աներևույթ ուժի շնորհիվ: Այդ աներևույթ ուժը կայսրության նենգ ու քողարկված դիվանագիտությունն էր: Ավելի պարզ ասած, հայերն ու վրացիները VII դարում վիճաբանում ու թշնամանում էին միմյանց հետ այն բանի համար, թե վրաց եկեղեցին միալուծ հայկականի հետ միասնական կառուցված պայքարը օտարերկրյա նվաճողների դեմ, կրնա դիմանա՝ նրանց ասիմիլատորական քաղաքականությանը, թե «ինքնագլուխ» հռչակվելու սին հույների մղումով կանխառնվի հայկական եկեղեցու վարդապետությունից և լիցիոններով քաղկեդոնությունը կթևիվի դեպի Բյուզանդական կայսրություն:

6 «Գիրք թղթոց», էջ 179:

7 Արսենի հիշյալ թուղթը հրատարակել է Խ. Ժորդանիան 1906 թ. վրացերեն և կոչվում է «Ճառ սրբոյ հօրն մերոյ Արսենի կաթուղիկոսի Մծխեթայ»:

8 Ն. Ա. Կինյան, Կիւրիոն կաթուղիկոս վրաց, Վիեննա, 1910:

Ջավախի շիրիմի նույնպես, իր վերոհիշյալ աշխատության մեջ, ընդգծելով հայերի և վրացիների հարատև սերն ու միարանությունը մինչև երկու եկեղեցիների բաժանումը, բաժանման պատճառ է համարում անհամաձայնությունը պալանանքի հարցում: Ըսկ Կյուրիոնի կողմից սրբուհի Շուշանիկի պաշտամունքի վրացերեն լեզվով արգելելը, համարում է աղգասիրական Ագտում, որով իբր Ցուրտավի եկեղեցուց ջնջվում էր հայոց ազդեցությունը: Այսպիսի մոտեցումը ախրան էլ հավանական չէ: Անհրաժեշտ էր նկատել, որ որքան էլ ուժեղ լինեք հայոց եկեղեցու ազդեցությունը վրացականի վրա կամ ընդհակառակը, իրենք նրանցից որևէ մեկը մյուսին չեզոքացնելու, ինքնուրույնությունից և իրավունքներից զրկելու ձգտումը չունեն և չէր էլ կարող ունենալ: Այսպիսի վախ՛անտեղի էր, որովհետև այդ երկրները ոչ իրենց սոցիալ-տնտեսական և ոչ էլ մանավանդ քաղաքական վիճակով տվյալ ժամանակաշրջանում այդպես վարվելու ոչ մի պատճառ կամ նախադրյալ չունեին: Մղելով դավանաբանական պայքար, հայերը փաստորեն մղում էին քաղաքական պայքար՝ հանուն իրենց կորցրած ազատության, անկախության, ինքնուրույնության՝ ընդդեմ ստար և թշնամի պետությունների կողմից իրագործվող ասիմիլյացիայի: Բնական և հասկանալի է, ուրեմն, որ հայերը ամեն կերպ աշխատում էին ուժեղ պահել միասնությունը վրացիների ու անդոկովկասյան մյուս ժողովուրդների հետ: Այդ պայքարի մասին ստեղծված ամբողջ գրականությունը այդ է հաստատում:

604 թ. վախճանվում է Մովսես Եղվարդեցին, որը, ինչպես տեսանք, մի մոլեռանդ և գործունյա հակաքաղկեդոնական էր. տեղապահ էր դառնում նրանից ոչ պակաս հակաքաղկեդոնական Վրթանես Խաչիկոպոսը. Քերթոզ մականունով:

Մինչ այդ վրաց եկեղեցին որոշ չափով ենթակա էր հայոց եկեղեցու փերագաւությանը, նեթարկվում էր նրա որոշումներին: Հայոց կաթողիկոսն էր առաջադրում և նրա երաշխավորությամբ էր ընտրվում վրաց կաթողիկոսը, ինչպես ընտրվել էր քննվող իրադարձությունների գնետրոնական դեմքը՝ Կյուրիոն կաթողիկոսը (598 թև 599 թ.), դեռևս Մովսես կաթողիկոսի եկեղանության օրով ու նրա անմիջական ջանքերի շնորհիվ: Կյուրիոնը ստացել էր հոմանական լավ կրթություն, լավատեղյակ էր հայերենին, ապրել էր Մովսես կաթողիկոսի մոտ՝ Դվինում, դաստիարակվել լատեղ, բայց հետագայում ընդունել էր քաղկեդոնություն:

Ուխտանեսի պատմելով Մովսեսի կենդանության ժամանակ Կյուրիոնը եղել է Դվինի սուրբ Կաթողիկոս եկեղեցու վանահայր՝ ավանաց իրեց... այլև Քորեպիսկոպոս⁹: Ուխտանեսը, խոսելով Կյուրիոնի շար գիտավորությունների մասին, նկատում է, թե նա խաբելով Մովսես կաթողիկոսին, ծածկում էր նրանից իր շար գիտավորությունը, հաղորդություն ունեն նեստորական հերի և քաղկեդոնականների հետ և ջանում էր ամբողջ Վրաստանը տանել այդ ուղիով:

«Եւ այս լինել յանիշխանութեանն Հայոց. քանզի բարձեալ էր թագաւորութեանն յազգէ Արշակունեաց. և զաշխարհս յերկուս բաժանեալ էին Պարսիկք և Հռովմէա¹⁰,—ցավով գրում է պատմիչը: Այդ էր պատճառը, որ հայ-վրացական եկեղեցիների անջատումը թույլ չտալու և երկու դրացի ժողովուրդների միությունը պահպանելու ուղղությամբ այնպես ջանասիրաբար աշխատում էր Վրկանի մարգպան Սմբատ Բագրատունին: Սա 606 թ. գումարում է եկեղեցական ժողով՝ հայերի համար նոր կաթողիկոս ընտրելու նպատակով: Անհայտ պատճառներով այդ ժողովում կաթողիկոսի ընտրությունը տեղի չի ունենում, սակայն մշակվում և վավերացվում են մի շարք կանոններ քաղկեդոնության կամ այլ աղանդների հարող հոգեւորականների մասին, սահմանվում են խիստ պաշտիմներ ու հալածանք: Ինչպես Դվինի 506 թ., նույնպես և այս ժողովը Եր հակաքաղկեդոնական և հականեստորական որոշումներով ցանկաւում էր դռները փակել ինչպես բյուզանդական, այնպես և պարսկական գաղափարական ազդեցությունների առդե¹¹:

Դեռևս 488 թ. Բաբկնի կողմից գումարված Վաղարշապատի ժողովում աղվանից Շափաղեղն և վրաց Գարրիել կաթողիկոսների մասնակցությամբ և աջակցությամբ, խիստ որոշում էր կայացվել այն մասին, որ ոչ մի մարդ չհամարձակվի որևէ հաղորդակցություն ունենալ քաղկեդոնիկների հետ, «ոչ բարեկամություն անել և ոչ էլ աղոթել»: Այս թուղթը, որ ստորագրել էին երեք երկրների բազմաթիվ եպիսկոպոսներ ու հոգեւորականներ, երդմամբ պարտավորեցնում էր հավիտյան հաստատ մնալ այդ ուխտին¹²: Ուստի հասկանալի են այն լուրջ տարաձայնությունները, որ առաջացան Կյուրիոնի ջանքերով Վրաստանում քաղկեդոնություն մտցնե-

9 Ուխտանես, Պատմութիւն հայոց, Վաղարշապատ, 1871, 2-րդ մաս, էջ 4:

10 Նույն տեղում, էջ 7:

11 Հայ ժողովրդի պատմություն, Երևան, 1963, էջ 353:

12 «Դիրք թղթոց», էջ 177 և 183: Ուխտանեսի պատմություն, էջ 80 և 86:

յու հետևանքով, և որի արձագանքները տարածվեցին Սյունիք ու Աղվանք, որտեղ տեղի էին ունենում հերձվածական խմորումները։ Ահա Դվինի 606 թ. ժողովը որոշակի վերաբերմունք է մշակում այդ դավաճակից եկեղեցիների անջատողական ձգտումներին՝ շայտատանի յայրենասեր իշխաններն ու եկեղեցու հայրերը պարզ տեսնում էին քաղաքական ախ վտանգավոր հետևանքները, որոնք առաջ էին գալու այդ անջատումից և ամեն միջոց գործադրում էին անջատումը թույլ չտալու համար՝ չեղարկելով, սակայն, հակառակ ընթացք են ունենում։

Հայրապետական գահին նստելուց հետո Կյուրիոնը ձեռնամուխ է լինում վրաց եկեղեցու համար ավտոկեֆալ (ինքնագլուխ) իրավունք նվաճելուն։ Բայց խնդիրը միայն այդ չէր, Հայերը վրաց անկախ կաթողիկոսության և ինքնագլուխ կառավարությանը երբեք էլ ղեմ չեն եղել, այդ մասին ոչ մի տեղ հիշատակություն չկա։ Հայերը ղեմ էին վրաց եկեղեցու դավանափոխությանը, նրանց կողմից քաղբեղոնությունը ընդունելուն և ղեկի բյուզանդականությունը թեթև վերնու շենք այս հողի վրա էլ առաջանում են բուռն վեճեր, տարաձայնություններ և, ի վերջո, տեղի է ունենում միադավան երկու եկեղեցիների անջատում։

Այստեղ հետաքրքրություն է ներկայացնում այն հանգամանքը, թե սկզբնապես վրաց եկեղեցին ո՞ր պատրիարքության իրավասությանն էր պատկանում, — հարց, որը բազմաթիվ վեճեր է հարուցել տարբեր ժամանակներում։ Դրավոր աղբյուրներն այդ մասին հակասական են։ Վրասական մի հին ավանդություն, որի համար հիմք են հանդիսացել ամենայն հավանականությամբ իսկ մատենագիրները, վրաց եկեղեցին դնում է Անտիոքի իրավասության տակ, Տարեգիրքը՝ Պոլսի պատրիարքության իրավասության, իսկ հայկական աղբյուրները՝ հայոց պատրիարքության¹³։ Այս կապակցությամբ մեծ աշխարհ են ներկայացնում 1906 թ. տեղի ունեցած ռուսաց խախտապատրաստական եկեղեցական ժողովի նյութերը։ Ժողովը նվիրված էր վրաց եկեղեցու ինքնագլուխ կառավարության հարցին։ Այստեղ ընդարձակ զեկուցումով հանդես եկավ Ն. Մառը և բազմաթիվ փաստերով ապացուցեց հայ և վրաց եկեղեցիների միջև եղած վաղեմի կապը։ Նախած Սուրբուհի Կյուրիոնի եպիսկոպոսն ու մյուսները ցանկանում էին ժխտել¹⁴։ Ակադեմիկ Ն. Յա. Մառը հիշյալ ժողովում կարգացած իր զեկուցման, ինչպես նաև ավելի մանրամասնորեն հայ-վրացական հարաբերությունների մասին անցյալում իր աշխատության մեջ (տե՛ս Մուրճ, 1898 թ.), պատմական բազմաթիվ աղբյուրների վկայությամբ, կասկածի տակ է առնում վրաց եկեղեցու կախումը Անտիոքից և ապացուցում Երուսաղեմի պատրիարքության գերիշխանությունը նրա վրա։ Արևելյան վրաց եկեղեցու սկզբնավորումը Անտիոքից եկած համարելը նա բացատրում է նրանով, որ VIII դ. սկզբում, Արևմտյան Վրաստանի գործիչների ժամի և ազդեցության հետևանքով, բրիտանոնության սկզբնավորման մասին ավանդությունը տարածվեց Արևելյան եկեղեցու վրա ևս և հետզհետե մթաթնվեց ու անհետացավ նրա՝ արևելյան մյուս եկեղեցիների՝ հայկականի, ասորականի, աղվանների և պարսկականի հետ միասին անկախ ծագման գաղափարը։ Մանավանդ, երբ սրվեցին հայ-վրացական եկեղեցական վեճերը, ջանում էին ամեն կերպ ժխտել, մոռացնել տալ այն բոլորը, ինչ վկայում էր վրաց եկեղեցու կապը հայկականի հետ։

Վերահիշյալ իր տեսակետների ճշմարտացիությունը ապացուցելու համար Ն. Մառը փաստարկներ է բերում տվյալ դարաշրջանում գործող եկեղեցական ծիսակառարություններից և կանոններից, որոնք պարզորոշ վկայում են վրաց եկեղեցու կապը Երուսաղեմի եկեղեցու հետ։

Հնագույն շրջանում, — գրում է նա, — վրաց եկեղեցին ավելի կապված է եղել Երուսաղեմի եկեղեցու հետ. Մծխեթի խաչը ծագում է Երուսաղեմից, հնագույն պատարագամատուցներում կան մաղթանքներ Երուսաղեմի հայրապետների համար սկսած Հակոբոս Տեառնեղորից, բայց ոչ մի մաղթանք Անտիոքի հոռադավան պատրիարքների համար. ծննդյան տոներ կատարում էին Երուսաղեմի եկեղեցու սովորության համաձայն՝ հունվարի 6-ին, ինչպես պահպանել են դարդ հայերը և ոչ թե ղեկտեմերների 25-ին։ Անտիոքի եկեղեցին ընդունել է գեկտեմերների 25-ին տոնելու սովորությունը 376-ին, մինչդեռ վրաց եկեղեցում դեռ երկար շարունակվում էր հին սովորությունը, և այս կասկածելի է դարձնում վրաց եկեղեցու կախումը Անտիոքի եկեղեցուց¹⁵։

Մառի ամենագործավոր փաստարկը մեր կարծիքով այն է, որ հայ-վրացական եկեղեցական անհարմարան ու վեճերի ժամանակ յուրաքանչյուր կողմ իրեն համարում և ներկայացնում

13 Այդ մասին Մառի կարծիքները տե՛ս «Արարատ», 1898, էջ 75։

14 «Արարատ», 1907, էջ 85 (Մ. Ք. Ղաղարյանի հոդվածը)։

15 Ն. Ա. Կ. ի ն. յ. ա. ն., Կյուրիոն կաթողիկոս վրաց, հավելվածը, էջ 286։

է իրրև հավտարիմ, իսկ հակառակորդին՝ դավաճանող՝ Նրուսաղեմի եկեղեցու դրած կանոններին ու դավանությունը¹⁶։

Ուրեմն Անտիոքի եկեղեցուց կապերը վաղուց էին խզված և վրացիները ձեռնադրություն ստանում էին հայոց պատրիարքությունից։ Պետք է կարծել, որ հայոց պատրիարքության զերազահությունը ենթարկվում էր միայն Արևելյան վրաց եկեղեցին և պայքարը մղվում էր սրա ու հայոց եկեղեցիների միջև։ Իսկ վրաց համրեղհանուր եկեղեցին ինքնակառավարման իրավունք է ձեռք բերում ավելի ուշ։ Դրանից հետո միայն խզվում են բոլոր տեսակի կապերը, որ կա ուներ Նրուսաղեմի եկեղեցու հետ։ Այս բողոքից այն հետևությունն է ընկած, որ վրացական եկեղեցին ծագել է բյուզանդականի ազդեցությունից՝ անկախ՝ առաքելական քարոզության և Նրուսաղեմի եկեղեցու ավանդությունների հիման վրա։ Ուրեմն վրաց ժողովրդի դարձր թե՛ ժամանակով և թե՛ բովանդակությամբ կապված է հայոց ու արևելյան մյուս ժողովուրդների դարձր հետ։ ուստի, բնական է, որ սկզբնական շրջանում արանց հետ ավելի սերտ կապ ու մերձավորություն ուներ, քան բյուզանդական եկեղեցու։ Վերջինիս ազդեցությունը ուժեղացավ հետագայում՝ կայսրության հզորացման և նրա ազդեցության շրջանակների ընդարձակման հետ զուգահեռաց։

Վերագառուներ նորից բաժանման հանգամանքներին։ Ինչպես տեսանք Մովսես Նզվարդեցու ժառից հետո հայոց կաթողիկոսական դահը 3—4 տարի թափուր է մնում։ 608 թ. կաթողիկոս է ընտրվում Աբրահամ Աղբաթիւնացին, որը նույնպես հիմնավոր կրթություն ստացած, զարգացած անձնավորություն էր ու համոզված հակաբաղկեղեցական։ Սա շարունակում է իրենից առաջ սկսված դավաճարական վեճն ու նամակազրույթները Կյուրիոնի հետ։ Իր գրած առաջին իսկ թղթում հայոց կաթողիկոսը դարձանք է հայտնում այն մասին, որ Յուրտավի եկեղեցու և Կալկեդոնյան Մովսեսը հալածված է վանքից՝ ուղղափառ հավատին խոստովանելու և նույնիսկ սրբուհու պաշտամունքը հարգելու պատճառով։ Թղթում նշված է, որ բրիտանեությունը ընդունելու օրից ի վեր Յուրտավի եկեղեցին «...զմիտություն հաւատոյ, և զաստիճականութիւն զերկոցունց աշխարհացս... անշարժ միջնորդութեամբ պահեր, ուստի սէր և խնամութիւնք մարմնաւորականք և հաղորդութիւնք հոգեւորականք կոտարէին ցնծալից ուրախութեամբ»։ որ այդ նույն օրախից այժմ թշնամություն է ծագում վրաց կաթողիկոսի անհեռաւորության հետևանքով։ Ուստի ոչ է պարտաւորութեանը ձեռնարկում, — շարունակում է համոզել Կյուրիոնին Աբրահամը, — աւտարութիւն ի մէջ ուրկանել Երկոցունց աշխարհացս, և հեռացուցանել զսէր և խնամութիւն օմարմնաւորական և զհաղորդութիւն հոգեւորական»¹⁷։

Մեզ անհավատալի է թվում, ասում է Աբրահամը, որ դուր Քաղկեդոնությունն ու Լեոնի տոմարն եր դամանում, ուստի ցանկացանք դրով իմանալ, թե բանն ինչումն է։ Թղթերը բարձր արժեք են ներկայացնում նաև ոճական տեսակետից. գրված են վերին աստիճանի զուսպ և քաղաքավարի տոնով։ Կաթողիկոսը պատշաճավոր ու հարգալից լեզու է բանեցնում այն մարդու նկատմամբ, որի հետ խոստորեն ընդհարվել է։ Նույնպիսի հարգալից լեզվով է պատասխանում նաև Կյուրիոնը և հետաքրքրականն այն է, որ սա ճգնում է իրեն արդարացնել հայ կաթողիկոսի առջև։ Դա նրա նախալ դիրքի մասին պերճախոս վկայություն է։

Այս առումով շատ արժեքավոր է Մմրատ մարդպանի նամակը Կյուրիոնին, որտեղ նույնպես նշված է հայոց ու վրաց վաղեմի բարեկամությունը՝ պատճառաբանելով, թե «...արիւն և հաւատաւորութիւն ի միջի կայր»։ Մեղադրում է Կյուրիոնին, որ սա, փոխանակ աշխատելու այդ միությունն անխախտ պահել, ինքն է բորբոքում վեճեր ու տարաձայնություններ։ Պատասխան թղթում Կյուրիոնը աշխատում է արդարանալ և պատուկտման ամբողջ մեղքը բարդել Մովսես Կալկեդոնյանի վրա։ Մովսեսն էլ է նամակով գիտում Մմրատին և պնդում, թե վրաց կաթողիկոսի դրածներն ամբողջությամբ սուս են, զրպարտանքն է այդ մասին կարող է վկայել ամեն ոք, ով մեր մոտից վրաստան է գնում կամ ով այնտեղից է դալիս։ Մովսեսը վստահ է իր գրածների ճշտությանը։ Նա հայտնում է նաև, որ իր փոխարեն Յուրտավի եպիսկոպոսական աթոռին նստողը նետորական է և ոչ միայն հայերեն չգիտե, այլև չուիսկ վրացերեն։

Ինչպես Մմրատ մարդպանը, այնպես էլ Աբրահամ կաթողիկոսը պարզ տեսնում էին պատակտման վտանգավորությունը քաղաքական տեսակետից, իրենց անհանգստությունն էին արտահայտում այդ կապակցությամբ և շարունակ զգուշացնում էին հեռու մնալ պատակտման կորստաբեր ուղուց։ Նշելով երկու բախտակից ժողովուրդների համար միասնության կարևորու-

¹⁶ «Գիրք թղթոց», էջ 161—163։

¹⁷ «Գիրք թղթոց», էջ 163 (ընդգծումները այստեղ և հետագայում մերն են. —Վ. Վ.)։

թյունը, հայոց կաթողիկոսն իր մի այլ նամակում հետևյալն է գրում. «Զի յառաջ մինչ առաքինի հարքն մեր ազգացս երկոցունց, և որք յայս իշխանութիւն կարգեալ զոր այժմ մեք ունիմքս, նոխաւ հանդերձ միարանէին յամենաւն լաւիսն, և զուգաց հետանային յամենայն շաբաթով ինձ թէ տեղեակ է ձեր սրբութիւնդ այնմ»¹⁸:

Տարակարծութիւնների տեղիք շտալու համար, Արաւստմբ քացահայտում է իր միտքը գրելով, թե մենք վիճարանելու համար չենք ասում այս բոլորը, «այլ փութամք ի սէր և ի հաւատս հայրենի միաւորութեանն, և չխնդրեմք միայն զանձին աւզուտ. այլ լազմաց զի աւրեսցին...»¹⁹: Նա նույնիսկ աղաչական տոնով է խոսում աստիճանով և դիրքով իրենից ավելի ցածր գտնվող կաթողիկոսի հետ. որպեսզի այդպիսով կարողանա կոտրել նրա համառութիւնը: Որինակ է բերում Բաբկենի ժամանակակից Գարրիել վրաց կաթողիկոսին, որը ամեն մի հարց վճռելիս միաբան ու միակամ էր հայոց հետ:

Ուխտանեսի ասելով, վրաց կաթողիկոսը անջատողական տրամադրութիւններ դեռ վաղուց՝ Մովսեսի կենդանութեան ժամանակից ունեւր Դրանք, սակայն, զգուշութեամբ նա թաքցրելու էր: Այս կապակցութեամբ հետաքրքրական է Մովսեսի նամակը Կյուրիոնին, որ բերում է Ուխտանեսի իր Պատմութեան մեջ: Թղթից գրքում այս նամակը հիշատակված չէ: Նամակից երևում է, որ Մովսեսն էլ կասկածել է Կյուրիոնի հավատարմութեանը, որովհետև վերջինս յրանից զաղտնի, Վրաստանում ընդունել է խոստովանելու և նույնիսկ նպիսկոպոսութեան աստիճան տվել: Մովսեսը գրում է Կյուրիոնին, թե նեստորական աղանդը հայ-վրաց միացյալ երկր ժողովներում մերժվել ու նզովվել է և զգուշացնում է՝ չխախտել այդ ուխտն ու երկու բարեկամ ժողովուրդների միջև եղած միավորութիւնը շրանդել: Կյուրիոնը իր պատասխան թղթում վստահացնում է, թե խոստովանման մերժված ու հեռացված է, թե ինչպես որ պատվիրել է ինքը՝ Մովսեսը, այդպես էլ կլինի:

Բսկ ինչ մնում է երկու հրկրները միավորութեանը, ապա այս մասին վրաց կաթողիկոսը գրում է. «Եւ որ վասն մեր եւ ձեր աշխարհաց ի՞ր դրեալ և ապացաւ յաղագս միաբանութեան» զոր ի մերում ժամանակիս է, մեր ի նոյնս ունիմք միաբանութիւն և ոչ փոխմք»²⁰:

Ուխտանեսը ասում է, թե Սմբատ մարզպանը նախօրոք տեղյակ էր Կյուրիոնի շար և ծածուկ մտադրութիւններին, բայց ոչինչ չկարողացավ անել կամ այդ մասին զգուշացնել կայսրին. որովհետև արդեն գիտեր, որ կայսրը «...միաբան է ընդ Կիւրիոնի և նորա հրաման» ասլ զործն այն...»: Ուխտանեսը դրանում չի կասկածում: Նա հավատում է, որ Արաւստմին և Սմբատին ուղղված Կյուրիոնի մի մութ ակնարկից՝ այն, թե «կեցուցել Աստուած զկայսրն, զի զաշխարհս մեր կեցուցց»²¹, կոհնում ենք նրա և կայսրի միջև եղած համաձայնութիւնը:

Բոլոր վկայութիւններն, այսպիսով, միաբերան հաստատում են, որ հայ և վրաց կրոնական պառակտումն իր հիմքում քաղաքական նպատակներ էր հետապնդում և նրանում բյուզանդական խարդախ քաղաքականութեան մատր անպայման խառն էր, մի պառակտում, որն զգալի փաստ բերեց երկուսին էլ:

Լեոն եղբայրացնում է, որ կրոնական այդ անջատումը ավելի հիմնավոր պատճառ ունեւր, քան կրոնականն էր. նա այդ կապում էր վրաց ազգային եկեղեցու ձևավորման պրոցեսի հետ: «Առհասարակ,—գրում է նա,—նկատվում է մի բուրձ անկարողութիւն՝ այս վեճը խաղաղութեամբ կարգավորելու մեջ: Դվինի կառավարիչները չհասկացան, որ Վրաստանում, Կյուրիոնի ղեկավարութեամբ, տեղի ունեւր եկեղեցու կատարյալ ազգայնացման մեծ աշխատանքը և այդպիսի մի շարժման պետք է վերաբերվել լրջութեամբ...»²²:

Լեոն այս հարցում միայն կրոնական արմատն էր տեսնում և դա էլ հիմք է ծառայել նրա այդ կարծիքի համար: Ավելին. նա Վրկանի մարզպան Սմբատին մեղադրում է նրա համար, որ հարցին քաղաքական նշանակութիւն է տալիս: «Առհասարակ,—գրում է նա,—Վրկանի մարզպանն աշխատում էր հայ-վրացական դուռ կրոնական հարցերին տալ քաղաքական նշանակութիւն»²³: Մեր խորին համոզմամբ, հենց այստեղ է, որ Սմբատ մարզպանն ավելի ճիշտ էր տեսնում և զնահատում ստեղծված իրավիճակը: Լեոն հայ և վրացի ժողովուրդների միջև առաջացած եղբայրասպան թշնամութեան պատճառ է տեսնում միայն այն հանգամանքը, որ ժայգ

18 «Դիրք թղթոց», էջ 181:

19 Նույն տեղում, էջ 176:

20 Ուխտանեսի պատմութիւն, 2-րդ մաս, էջ 13:

21 Նույն տեղում, էջ 17:

22 Լ և ո, Հայոց պատմութիւն, հ. 2-րդ, էջ 236:

23 Նույն տեղում, էջ 237:

երկրներում ապրող աղղերի առաջնորդները չկարողացան համաձայնվել, թե քանի ընդունելու էր Քրիստոսի մեջ և ինչպես էին դասավորվում այդ ընդունումները²⁴։

Ինչևէ, վրաց անկախ կաթողիկոսության հիմնադրումը (որը փաստորեն տեղի էլ չունեցավ) և հայկականից նրա անջատումը պատմական տվյալ էտապում խիստ վտանգավոր էր երկու ժողովուրդների համար էլ և ժամանակաշրջանի օրյակներում պահանջը ոչ թե մասնատվելն էր, այլ ավելի սերտորեն միավորվելն ու համախմբվելը, էականն այստեղ եկեղեցիների անջատումը, եամ վրաց եկեղեցու ինքնագլուխ հռչակվելը չէր, իսկ այդպես լինելը, եթե Վրաստանն էլ ընդունվի անկախ կերպով իրավունք ստանալու կառավարվելու ինչպես բաղարական, նույնպես և հավատքի հարցերում, այդ լավ էր և հայերը բոլորովին էլ ղեմ չէին այդպիսի անջատմանը։ Հականը, դիտարկելով այստեղ այն էր, որ արմատական խզում էր տեղի ունենում երկու դրացի, եղբայրական ամուր կապերով կապված ժողովուրդների միջև։ Հայերից անջատվելով, Վրաստանը իրականում ոչ թե անկախ կաթողիկոսություն էր ստեղծում՝ պահպանելով հանդերձ միարևակ վարդապետության սկզբունքները, այլ ընդունելով քաղկեդոնությունը, հարում էր բյուզանդական եկեղեցուն, մտնում նրա պատրիարքության իրավասության ներքո։ Անջատման վտանգավորությունը հենց դրա մեջ էր։ Մասնավորապես, որ իր նպատակների իրագործման համար կյուրիոսին հաջողվեց իր հեռից տանել վրաց ամբողջ ավագանին, Սա շատ ուշագրավ հանգամանք է։ Վրաց իշխանների խաբվելով բյուզանդացիների կեղծ ու ստապատի խոստումներից, մյուս կողմից գրգռվելով կյուրիոսի խոսքերից, որը խորամանկորեն շոշափում էր նրանց ինքնասիրությունն ընդդեմ հայկական եկեղեցու զահերեցության, սկսեցին հեռանալ հայերից և բարեկամություն փնտրել բյուզանդացիների մոտ, որտեղ քաղկեդոնություն դավանածներին սպասում էին բարձր պաշտոններ ու պատիվներ՝ արքունիքում։ Այս քայլի ամբողջ վտանգավորությունը հետագայում հայտնի դարձավ և արտահայտվեց Անդրկովկասն իր սեփական տերերից մաքրված տեսնելու բյուզանդիայի ու Պարսկաստանի գործադրած ջանքերի, զաղթեցման ու հալածանքի քաղաքականության մեջ։

Այսպիսով, հայ-վրացական կրոնական պառակտումը VII դարի սկզբին, որ, չնայած հայկական եկեղեցու բազմաթիվ նշանավոր գործիչների ու ազդեցիկ իշխանների կողմից գործադրված համառ ջանքերին և դիմադրությանը, այնուամենայնիվ, տեղի ունեցավ, իր հիմքում ուներ խիստ քաղաքական բովանդակություն և սառնություն ու օտարացում մտքեց երկու դրացի ու բախտակից ժողովուրդների փոխհարաբերությունների մեջ։ Բարեբախտաբար, դա ժամանակավոր ընդլծ կրեց։ Հայ, վրացի և աղվան ժողովուրդների բարեկամական կապերն ավելի հեռվից էին գալիս, դրանց արմատներն ավելի խորն էին, ուստի հասկանալի է, որ նրանց այդ վաղեմի ջերմ հարաբերություններն ու սերտ համագործակցությունը նորից իրենց նախկին-բանական վիճակն ստացան, որ շարունակվում է մինչև այսօր։

В. А. Варданян

АРМЯНО-ГРУЗИНСКИЕ ОТНОШЕНИЯ НА ПОРОГЕ VII ВЕКА

Р е з ю м е

Армянский и грузинский народы связывает вековая дружба. Основой ее является сходство их исторических судеб. В истории этих соседних народов, тесно связанных между собой узами экономической, политической, культурной, даже духовной жизни, особое место занимает начало VII века. Вследствие историко-политических обстоятельств в это время возник армяно-грузинский церковный вопрос. Сначала произошел раскол, а потом и разделение этих церквей, что имело отрицательное влияние на их дальнейшие судьбы.

Этот вопрос с формальной стороны носил религиозный характер. После смерти католикоса армян Мовсеса Егвардеци (604) католикос Грузии Кюрион, с целью обеспечения независимого положения грузинской церкви и самоуправления (автокефалии), вступает в переговоры с отцами греческой халкедонской церкви и с их помощью старается отделить грузинскую церковь от армянской.

Это обстоятельство сильно обеспокоило армянское духовенство и влиятельных князей, ибо в этом они видели серьезную политическую опасность, и они были правы.

Во первых, разделом единой церкви обрывалась одна из основных нитей, связывающих единство этих двух народов одной судьбы.

Во-вторых, грузинская церковь, таким образом, не только не получала самоуправления, но, приняв халкедонство, фактически подчинялась верховной власти греческой церкви, что было очень опасно.

Византийская империя, желая еще более укрепить свое положение в захваченных странах, нарочно разжигала религиозные ссоры и использовала любые средства для расчленения их единства. Следовательно, армяне были правы, когда боролись за то, чтобы ни в коем случае не допустить разделения церквей.

По этому вопросу, начиная с X века, образовалась огромная литература, которая в большинстве случаев в оценке этого вопроса подходила с религиозной точки зрения, тем самым отрицая наличие политических соображений. Такие крупные филологи и историки, как Лео, Ив. Джавахишвили, Н. Акинян и другие, также считали этот спор чисто религиозным.

В статье на основе многочисленных исторических фактов показано, что раскол церкви, кажущийся с формальной стороны чисто религиозно-вероисповедательным, в своей основе имел определенные политические цели, диктовался и направлялся со стороны византийского двора.